



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 8. Sacerdos qualis erga oves esse debeat.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

tatem : ut, etiam si Dominus aliquem, uti plantam inutilem, excindere jubeat; ipse tamen infator debeat supplicare; ut ignoscat parumper, ac sententiam differat. Noli esse tam facilis ad amputandum, & excindendum, tu; qui Dominum, nè id faciat, debes obsecrare. Diligentiam adhibeto, reprehensionibus circumfodito cohortationibus foveto, tanquam sinu. Tuum est placare Judicis animum. Demus operam, ut eodem nomine, quò Dominus, appellemur. Arcones in Is. 1. 5. Disc. 8. Unguntur manus Presbyteris, ut opera misericordiae pro viribus ad omnes debeant exercere. Innocentius III. P. de sacr. alt. myst. l. 1. c. 9.

Volens nunquam jus deferam, coactus repugnare non novi. Dolere potero, potero flere, potero gemere; adversus arma, milites, Gothos quoque, lacrymae mea arma sunt. Talia enim munimenta sunt Sacerdotis. Aliter nec debeo, nec possum, resistere. Sanct. Ambros. Orat. in Auxentium de Basilicis tradendis sub initium. Exhibes robore, vigilantia, prosperitate, principem; mansuetudine sacerdotem. Ennodius Panegyricò dictò clementissimo Regi Theodorico.

Sacerdotum manus inunguntur, in signum, quòd nihil deberet remanere in manibus suis, quòd pauperibus non darent. Hugo Card. in Pl. 58.

Humilient se sacri altaris ministri; non praesse, sed subesse, desiderent; atque sanctitate, non honore, ceteros praere. Meminerint, se aeterni regis vocatos esse ad nuptias; proinde superioris discubitis in se appetitum supprimant, novissimumque cum patientia locum teneant, quatenus cum honore superius ascendere queant. Israeli est praelatus Saul; non quia staturae inventus est proceræ. Sed quoniam repertus est humilis. *Cum parvulus esses in oculis tuis &c.* 1. Reg. 15. 17. S. Laurent. Justin. f. in festo Corp. Chr.

§. VII.

Sacerdotes fugiant vitia.

Labia Sacerdotis custodiunt scientiam, & legem requirent de ore ejus. Malach. 2. 7. non nugae profectò vel fabulas. Consecrasti os tuum Evangelio; talibus jam aperire illicitum, assuescere sacrilegum est. S. Bernardus l. 2. de Confid. ad Eugentium.

Inter saeculares nugae nugae sunt; in ore sacerdotis blasphemiae. Id. ibid.

Si Sacerdotis, examinaveris vitam, invenerisque redolentem unguentis, ac rosis; biffò, ac purpurà, florentem, ac mensis pinguibus inhaerentem; in qua non adhibentur, nisi defaecata, & clarissima vina, & unguenta pretiosissima; & quaecunque alia suavia ijs gustatu videntur: rectè in hunc Evangelicis utens verbis, fructum video, sacerdotalem arborem non recognosco: alius est enim sacerdotii fructus ab isto. S. Greg. Nyss. l. de vita Moysis.

Ebrietas in alio crimen est, in Sacerdote sacrilegium. S. Chrysol. l. 26.

§. IIX.

Sacerdos qualis erga oves esse debeat.

Sculpes in eis nomina filiorum Israel. Ex. 28. 9. Significabatur, sacerdotem ex officio debere orare pro singulis populi tribubus; eosque quasi humeris suis portare. Cornelius hic.

Vos estis sal terra. Matth. 5. 13. Quid animas hominum, nisi cibum Domini dixerimus? quae ad hoc sunt conditae; ut in ejus corpore trajiciantur, id est, ut in aeternum Ecclesiae augmentum tendant. Si cibum Dei est populus; condimentum cibi Sacerdotes esse debuerunt. S. Gregor. hom. 17. in Evang.

Pasce oves meas. Joan. 21. 17. S. August. tr. 123. in Joan. quid est aliud, si diligis me, pasce oves meas; quam si diceretur: si me diligis, non te pascere cogita, sed oves meas: sicut meas pasce, non sicut tuas: gloriam meam in eis quare, non tuam; Dominium meum, non tuum; lucra mea, non tua: nè sis in eorum societate, qui pertinent ad tempora periculosa seipfos amantes.

Seniores, qui in vobis sunt, obsecropascite - neque turpis lucri gratia. 1. Petri 5. 1. 2. Gubernate animas velut Pastores, non Domini: stipendium vestrum sit propriae utilitatis neglectus. Non jubeo mulgere oves, non tondere; multò minus rapere, & vovare; sed illas curate, pascite, & nihil praeterea, Oliva l. 1. conc. 20.

Coci Sacerdotes sunt: quia dum electis Fidelibus in fervore spiritus loquuntur, cibos mentis veluti per ignem coquunt. S. Gregor. l. 4. in 1. Reg. 8.

Cibus Sacerdotis est in peccatorum remissione. Unde ait Princeps Sacerdotum Joan. 4. 34. *meus cibus est, ut faciam voluntatem ejus &c.* Quae est voluntas Dei, nisi ea: cum conversus ingemueris, tunc salvus eris. S. Ambros. ep. 3.

Inclinet se Sacerdos, condescendendo infirmitatibus lapsorum; sicut & Christus inclinans se digito scribebat in terra. Petrus Cell. l. de pan. c. 19.

§. IX.

Sacerdotes mali.

Bibebant vinum, & laudabant deos suos. Dan. 5. 4. Haec agebantur, non in caenula Religiosi, sed in regio convivio Balthasaris. O quam religiosior est interdum superstitio, quam religio! Impii in convivio deorum recordantur ligneorum; nec recordantur solum, sed eos laudant: Christi Sacerdotes nonnulli utinam DEUM laudare non fastidiant vel inter choros Pfallentium DEO! Illi meminerunt idolorum in mensis; nos mensarum recordamur in aris. Oliva l. 9. strom. §. Bibebant.

Peccata